

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2317334796 որոշումն անփոփոխ թողնելու, իսկ թիվ 2317334788 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<<08>> 11 2023թ. 7-13- 11455

ք.Երևան

Ճանապարհային ոստիկանության պետի պարտականությունները կատարող, ոստիկանության գնդապետ Հ. Հակոբյանս, վերանայելով Անդրանիկ Մելքոնյանի ՄԴ/92186-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Անդրանիկ Մելքոնյանը (ծանուցման հասցե՝ քաղաք Երևան, Աջափնյակ վարչական շրջան, Հասրաթյան փողոց, 25/2 շենք, 24-րդ բնակարան) դիմումով հայտնել է, որ նույն իրավախախտման համար կայացվել են երկու տարբեր որոշումներ:

Դիմումի քննարկման արդյունքում պարզվել է, որ թիվ 2317334796 որոշումը ենթակա է կատարման, իսկ թիվ 2317334788 որոշումը՝ բեկանման, հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Ճանապարհային ոստիկանության թիվ 2317334796 և 2317334788 որոշումների հիմքերում դրված տեսանյութերը փաստում են, որ <<TOYOTA>> մակնիշի 99AT707 հաշվառման համարանիշի տրանսպորտային միջոցի վարորդը նույն իրավախախտման համար կրկնակի ենթարկվել է վարչական տույժի:

Այսպիսով, ուսումնասիրության արդյունքում պարզվել է, որ Ճանապարհային ոստիկանության թիվ 2317334788 որոշումը տեխնիկական վրիպակի արդյունք է և ենթակա է բեկանման:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 8-րդ կետով, 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2317334788 որոշումը բեկանել և վարչական իրավախախտման վերաբերյալ գործի վարույթը կարճել.
2. Ճանապարհային ոստիկանության վարչական տույժ նշանակելու մասին թիվ 2317334796 որոշումը թողնել անփոփոխ.
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ Վարչական դատարան՝ օրենքով սահմանված կարգով և ժամկետներում.
4. Սույն որոշման օրինակն ուղարկել Անդրանիկ Մելքոնյանին:



Կատարող՝ Կ. Ահարոնյան
Հեռ. 011-54-47-83